

明太祖革命武功記

二

明太祖章命武功記

明太祖革命武功記卷四

湖北蘄春方覺慧纂

平漢陳友諒記

一、陳友諒初爲書吏聞徐壽輝兵起聚眾應之漸掌兵柄
陳友諒湖北沔陽人本姓謝氏祖千一贅於陳因從其
姓父普才業漁友諒性躁險有智略深通兵法初爲沔陽
書獄吏不樂其職有術者謂友諒曰某年當大貴友諒心
竊喜聞徐壽輝兵起欲往從之普才嘆曰捕魚兒何爲吾
不忍見矣毋令我知匿去友諒遂與其弟友仁等聚眾應
天完徐壽輝於漢陽隸倪文俊部時年逾三十獍迅狡猾
屢立戰功倪文俊迎其主徐壽輝都漢陽文俊自爲丞相
以陳友諒爲領兵元帥文俊擅權驕橫謀弑壽輝事洩奔

黃州友諒心忌文俊乘其貳假大義襲殺之併其軍自稱平章專天完國政旋陷元安慶使趙普勝守之以爭池州

罪唯錄陳友諒傳

二吳國公克池州潛山計促陳友諒殺趙普勝 丁酉年

九月常遇春率廖永安吳楨等自銅陵進取池州命李文

忠領眾策應合兵破其城斬天完將洪元帥執副將魏壽

徐天雄等

皇明從信錄卷一

薄暮陳友諒以戰艦百艘來迎戰遇

春等復擊敗之遂以趙忠守池州

明鑑前紀

此吳國公與天完

平章陳友諒開釁之始也戊戌年四月陳友諒既得安慶

遣趙普勝據樅陽為水寨以窺池州

明通鑑前編卷一

太平守將

劉友仁聞之率兵赴援遇賊敗沒池州守將趙忠亦戰死

明史紀事本末卷三 己亥年三月趙普勝寇甯國太平縣總管胡惟

賢遣萬戶陳允義士汪炳等擊敗之普勝復寇青陽石埭等縣僉院張德勝戰於柵江口破之普勝棄舟陸走初普勝既陷池州遣別將守之至是自據樅陽水寨時吳國公經略浙東慮其乘下游之勢以窺太平應天四月命徐達會院判俞通海舟師急攻之擒其將洪鈞等並獲其巨艦數百艘遂復池州捷聞吳國公大悅陞徐達爲奉國大將軍同知樞密院事俞通海僉樞密院事

實錄卷七

六月吳國公

自甯越起節至建康九月辛卯朔徐達張德勝等率兵自

無爲登陸夜至浮山砦敗趙普勝部將胡總管於青山追

至潛山界陳友諒參政郭泰引兵渡沙河迎戰泰陣亡克

潛山縣命詹元帥守之

實錄卷七

乙未友諒殺其將趙普勝先

是僉院俞通海率兵攻趙普勝不克而還

皇明從信錄卷二載十月僉院

俞廷玉率兵攻安慶不克沒於陣與實錄不符又俞通諸海攻趙普勝沒於陣實錄係不克而還從實錄改正

將患之吳國公曰普勝雖勇而寡謀友諒挾主以令眾上下之間心懷疑貳用計以離之一夫之力耳時普勝有幕客通術數善畫策勝普以爲謀主乃使人陽與客交陰間之致書客誤達普勝普勝果疑客客不自安來歸告普勝事乃重以金幣資客使潛往友諒所親以間普勝普勝不覺見友諒使者輒自言其功忻忻有德色友諒深忌之復有言普勝將歸於吳國公者及是憤潛山之敗乃詐以會軍爲期自至安慶普勝出迎至雁汊登舟友諒殺之遂併

其軍

皇明從信錄卷二

三遣徐達等伏兵九華山夾擊陳友諒敗之陳軍旋攻陷

太平守將花雲死之

庚子年

陳友諒弒天完主徐壽輝國號漢改元大義元年初

徐壽輝稱帝於蘄水國號天完改元治平自辛卯迄今年五月吳國公遣常遇春

赴池州助徐達授以方略謂達及遇春曰友諒兵旦暮至爾當以五千人守城遣萬人伏九華山下俟彼兵臨城城上揚旗鳴鼓發伏兵往絕其後破之必矣陳友諒聲言援安慶徐達等知其必攻池州卽如吳國公所授方略佈陳友諒兵果至直造城下鋒銳不可當須臾城上揚旗鳴鼓伏兵悉起緣山而出循江而下絕其歸路城中出兵夾擊大敗之斬首萬餘級生擒三千餘人遇春欲盡殺之謂達曰此皆勁敵也不殺將爲後患若以上聞主必不殺達不從遂以聞吳國公急諭諸將曰今戰爭方始不可縱殺以絕人望三千精銳宜釋之使爲後用及使者返遇春已殺之只存三百人吳國公聞之不懌命悉放還

實錄卷五

閏五月

陳友諒攻陷太平，守將花雲知府許瑗死之。初，友諒率舟師圍城，雲與朱文遜等死戰，友諒不得入，乃引巨舟泊城西南。士卒緣舟尾攀堞上城，城中乏食，雲士馬俱憊，城遂陷。賊縛雲急，雲怒罵曰：「賊奴，爾縛吾，吾主必滅汝，斬汝爲膾也。」遂奮躍大呼而起，縛盡絕。奪守者刀，連殺五六人，復罵曰：「虜非吾主敵也。」曷不速降？賊怒，射死之。妻郃氏生一子，方三歲，雲與賊戰，勢危，郃氏抱兒泣，謂家人曰：「城且破，吾夫必死之，吾夫死，吾必不獨生，然不可使花氏無後。」嬰兒在，若等善撫育之。聞雲就縛，郃氏卽赴水死。侍兒孫氏收郃屍瘞之，抱兒逃，爲陳軍所擄。軍中惡小兒啼，孫氏恐兒被害，以簪珥屬漁家鞠之。陳軍敗，孫氏脫身至漁家，復竊兒去，夜宿陶穴中。天曙，登舟渡江，遇陳潰軍，奪舟捉孫。

氏及孤兒投之江、偶江濤中有斷木附之、入蘆渚中、渚有蓮實、孫氏取啗兒、凡七日不死、忽夜半聞人語聲呼之、逢父老號雷老者告之、故與偕行、達吳國公所、孫氏抱兒泣拜、吳國公亦泣、置兒於膝、曰：「此將種也。」命賜雷老衣、忽不見、追之、無所得、一時咸驚其神異。五倫書功臣錄、晉後吳溪文集並紀其事

國公悼雲瑗死節、追封雲爲東丘郡侯、瑗爲高陽郡侯、立

忠臣祠於太平

皇明從信錄卷二

四、陳友諒遣使密約張士誠夾攻應天、吳國公以計紿之、大敗漢兵于江東礪龍灣、乘勝復太平、取安慶、陳友諒既陷太平、急謀僭竊、乃使人殺其主徐壽輝、自稱皇帝、國號漢、改元大義、盡有江西、湖廣地、遣使密約張士誠夾攻應天、士誠自固、不敢應、友諒聲言引軍東下、應天大震、獻

計者或謀以城降、或以鍾山有王氣、奔據之、或欲決死一戰、不勝而走、未晚也。獨劉基張目不言。吳國公召基入內問計。基曰：「先斬主降、及奔鍾山者、乃可破賊。」吳國公曰：「先生計將安出？」基曰：「天道後舉者勝。吾以逸待勞、何患不克？莫若傾府庫、開至誠、以固士心、伏兵伺隙擊之、取威制勝、以成王業、在此舉也。」吳國公然其策、決以死戰。先遣胡大海率兵直擣廣信、以制其後、而召指揮康茂才謂之曰：「吾有事命汝、能之乎？」茂才曰：「唯聽命。」吳國公曰：「汝與友諒雅游、今友諒入寇、吾欲速其來、給告以虛實、使分兵三道、以弱其勢。」茂才曰：「諾。」家有閹者、嘗事友諒、頗信之、且忠謹不洩。吾書令賁以往、則彼必深信無疑。吳國公以其謀語李善長、善長曰：「方憂寇來、何爲誘致之？」吳國公曰：「遲則二寇謀合爲害、益大。吾何以支？今先破此賊、則東寇胆落矣。」茂才遂令

聞者乘小舸徑至友諒軍中友諒見聞者卽呼問之曰爾
來何爲聞者曰康相公令我來友諒曰康公何言聞者出
信進之友諒得書甚喜問曰康相公今何爲聞者曰現守
江東橋問橋何如曰木橋乃與酒食遣還謂曰歸語康公
吾至則呼老康爲號聞者諾歸俱以告吳國公喜曰賊入
吾穀中矣乃命善長亟撤江東橋易以鉄石通宵治之及
旦而成適有富民自友諒軍中逸歸言友諒問新河口道
路亟命趙德勝於新河口跨水築虎口城以兵守之命常
遇春馮勝華高等率帳前五翼軍三萬人伏石灰山側徐
達等陳兵南門外楊璟駐兵大勝港張德勝朱虎率舟師
出龍江關外吳國公親總大軍於廬龍山卽今獅山令持幟
者偃黃幟於山之左偃赤幟於山之右戒曰寇至則舉赤

幟舉黃幟則伏兵皆起各嚴師以待是日友諒果引舟師東下至大勝港楊璟整兵禦之港狹友諒以舟不得并進遽引退出大江徑以舟衝江東橋見橋皆鉄石非木橋乃驚疑連呼老康無應之者始悟茂才使詐卽與其弟號五王者率舟師趨龍灣先遣萬人登岸立柵勢甚銳吳國公曰諸軍就食畢乘雨擊之時酷暑天無雲眾莫之信忽雲起東北大雨如注赤幟舉士卒競前拔柵友諒軍來爭遂合戰而雨適止乃發鼓舉黃幟常遇春等伏兵起徐達張德勝朱虎等諸師大集水陸夾擊友諒軍不能支大敗潰兵趨舟值潮退舟膠淺殺溺死者無算俘其卒二萬餘人其將張志雄梁鉉實錄作劉世衍等皆降友諒乘別舸脫走於其所乘舟卧床下得茂才所遺書吳國公笑

曰彼愚至此可嗤也時降者張志雄趙普勝舊將善戰常怨友諒殺普勝故前

龍灣之戰無言於吳國公曰友諒東下盡併安慶兵以從門志至是降

今之降卒皆安慶之兵友諒既敗走安慶無守禦者吳國

公遣徐達馮國勝張德勝等將兵追友諒又命元帥余謀

等將兵攻進安慶德勝追及友諒於慈湖縱火焚其舟至

采石又與大戰德勝死國勝以五翼軍蹴之友諒與其將

張定邊出見旗軍號黑旋風者迎戰又敗之友諒收殘兵

遁去遂復太平達率舟師追至池州而還昭代典余元帥

遂取安慶守之實錄卷八明通鑑攷異據明史趙庸傳仲中即庸之兄也明年張定邊復陷安慶仲

中棄城奔還太祖斬之紀事本末作伯仲侯攷查夏燮明通鑑前編卷余元帥皇明通紀作俞伯仲侯攷查夏燮明通鑑前編卷

二十八頁六月諸軍追友諒至池州遂克安慶太祖命僉院趙仲中守之太祖實錄達率舟師追至池州而還余元

帥遂取安慶守之昭代典則命元帥余謀將兵取安慶當與實錄余元帥相同從實錄改正

五擒漢將李明道命爲西征嚮導遂克江州友諒挈妻子奔武昌 辛丑年五月陳友諒遣其將李明道攻廣信別

遣兵斷玉山之草平鎮以遏浙東援兵守將夏德潤出兵

奪其墩戰死胡大海部將繆美聞之來援與敵戰於東洋

橋遂復玉山抵廣信絕明道歸路

明史紀事本末卷二

六月李明道

率兵五萬圍攻廣信守將胡德濟以兵少閉城固守遣人

求援於其父大海大海率師由靈溪進李文忠亦遣援兵

夾擊破之擒明道及其宣慰王漢二並士卒千餘人文忠

令漢二招撫建昌守將王溥

溥漢二兄也

吳國公命三人皆仍

舊官因得友諒虛實後征江州南昌命爲嚮導七月友諒

將張定邊再陷安慶守將余元帥等戰敗奔還建康吳國

公怒斬之

實錄卷六

八月吳國公親率舟師伐陳友諒召李明

道問曰、陳氏何如、明道具言、友諒自弒徐壽輝、將士皆離心、且政令不一、擅權者多、驍勇之將如趙普勝者、又忌而殺之、雖有眾、不足用也、及安慶再陷、吳國公遂決意伐之、召諸將諭之曰、陳友諒弒徐壽輝、僭稱大號、天理人情所不容、乃不度德量力、肆騁兇暴、侵我太平、犯我建康、殞我名將、既自取禍敗、不知悔悟、今乃以兵陷安慶、觀其所爲、不滅不已、卿等各厲士卒、以從徐達、進曰、師直爲壯、今我直而彼曲、焉有不克、劉基昨觀天象、金星在前、火星在後、此勝師之兆、願順天應人、早行弔伐、吳國公命徐達、常遇春等各將舟師、發龍灣、吳國公御龍驤巨艦、建大旗於前、書曰、弔民伐罪、納順招降、諸軍乘風泝流而上、時友諒江上斥堠望風奔遁、師至安慶、敵固守不戰、乃以陸兵疑之、

敵兵動命俞通海廖永忠張志雄等潛以舟師擊其水寨

破敵舟八十餘艘獲戰船二十有七

實錄卷六

攻城自旦及暮

不拔劉基請徑趨江州

今九江府友諒都會

傾其巢穴吳國公從之

悉軍西上過小孤漢將傅友德丁普郎迎降

友德宿州人後徙碭山勇

略冠時初從劉福通之黨李喜自山東入蜀歸明玉珍玉

珍不能用率所部走武昌從陳友諒無所展聞吳國公攻

孤山而嘆曰此得真主也以所部謁見吳國公於小師次

湖口遇友諒邏舟遇春擊之皆退走友諒始知以為神兵

自天而下親督兵拒戰吳國公令分舟師為兩翼夾攻友

諒大敗之獲巨舟百餘永忠揣城高下造橋於船尾名曰

天橋以船乘風倒行橋傳于城士卒登堞如平地友諒窮

蹙夜半挈妻子奔武昌吳國公入江州

明鑑前紀卷上

乘勝進拔

蘄州黃州興國黃梅廣濟旋師攻安慶下之

從信錄卷二

六招撫漢屬江西各州縣將吏 九月漢將王溥以建昌

來降命溥仍守建昌是月漢餘干守將吳宏袁州守將歐

普祥龍泉彭時中皆遣使請以城降乃命行省參政鄧愈

徇撫州後翼元帥趙德勝徇瑞州臨江等郡

明通鑑前編卷二

鄧

愈領兵襲浮梁漢參政侯邦佐棄城遁遂取樂平擊敗漢

蕭總管五千餘眾擒萬戶彭壽等六十餘人饒州之境悉

平

從信錄卷二

十一月己酉朔己未命平章吳宏等率兵取撫

州時右丞鄧克明據城拒守宏遣人招之克明欲緩師以

欸我聞僉院鄧愈駐兵臨川之平塘乃遣人詣愈詐以其

地請降愈察其非誠捲甲夜趨比旦入城克明單騎走出

又自度不能脫乃遣其員外羅天錫以分省印及所掠撫

州建昌等十八縣印詣降愈留克明軍中令其弟志明還